

Citadella

S'è tù guardave à a finestra
Ci viderie i mo pulmoni
Quant'elli vanu à a lestra
Per creà ventu è calafroni

Ci viderie u meiu u mondu
Apertu à i to centu sogni
È puderiamu girà tondu
Cum'è issi dui zitelloni

Ma tù s'è zittu, ingutuppatu
In un silenziu animale
Cum'un lionu affannatu
Dopu avè tombu e donne gialle...

S'è tù guardave nant'u portu
Ci viderie e meie e nave
Pronte à andà à mare forte
Per arrubà e toie chjave

Ci viderie o caru meu
Chì u marosu ùn pò tumbà
U desideriu ch'aghju eu
Di pudè ti tantu basgià

Ma tù s'è piattu, vituperatu
In a to casa citadella
Ti contu un amore sunniatu
Incesu in celu cum'è a stella

Ma tù s'è piattu, vituperatu
In a to casa citadella
Ti contu un amore sunniatu
Incesu in celu cum'è a stella ...

S'è tù guardave à a finestra

S'è tù guardave à a finestra

S'è tù guardave à a finestra

S'è tù guardave...

Diana Saliceti